

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
PETA POLICIJSKA UPRAVA
SARAJEVO

01

956

Stambolic' [Signature]

17 -01- 2022

Broj: 02/12-28-203 /22
Datum: 12.01.2022. godine

OPĆINSKO VIJEĆE ILIDŽA
Komisija za sigurnost

PREDMET: Izvod iz Informacije o aktivnostima Pete policijske uprave za vremenski period
Januar – Decembar 2021. godine, d o s t a v l j a s e , -

U prilogu akta, dostavamo vam izvod iz Informacije o aktivnostima Pete policijske uprave za vremenski period Januar- Decembar 2021. godine.

S poštovanjem,

PRILOG: Kao u tekstu,-



NAČELNIK
Glavni inspektor

Mevludin Halilović

S A Ž E T A K

o stanju sigurnosti na području općine Ilidža za period Januar – Decembar 2021. godine

KRIMINALITET

U vremenskom periodu 01.01.2021. do 31.12.2021. godine, na području Pete policijske uprave evidentirano je ukupno 624 događaja sa obilježjem krivičnog djela, što u odnosu na isti vremenski period 2020. godine, kada je zabilježeno 654 događaja sa obilježjem krivičnog djela, predstavlja umanjenje za 30 krivičnih djela, odnosno procentualno izraženo smanjenje za 04,58 %.

Od ukupnog broja događaja sa obilježjem krivičnog djela koja su prijavljena u vremenskom periodu Januar-Decembar 2021. godine po NN izvršiocu na području općine Ilidža, tačnije 388 događaja sa obilježjem krivičnog djela, 87 krivičnih djela naknadno su rasvijetljena ili izraženo u procentima predstavlja iznos od 22,42 %.

Tokom istog perioda 2020. godine po NN izvršiocu evidentirano je 443 događaja sa obilježjem krivičnog djela, od čega je 99 naknadno rasvijetljeno, ili procentualno izraženo predstavlja 33,82 %.

U toku vremenskog perioda Januar-Decembar 2021. godine, zbog postojanja osnova sumnje da su počinili krivična djela, nadležnom tužilaštvu je podnesen izvještaj protiv 361 osoba, u okviru čega je bilo 138 lica lišenih slobode.

2. Krivična djela protiv života i tijela:

U periodu Januar-Decembar 2021. godine prijavljeno je 35 krivičnih djela iz oblasti protiv života i tijela, što je za isti period u odnosu na 2020. godinu više za 22 krivičnih djela.

Struktura prijavljenih krivičnih djela:

- teška tjelesna ozljeda..... 15,
- lahka tjelesna ozljeda..... 19,
- učestvovanje u tuči..... 01,
- čedomorstvo..... 00

Protiv 35 osumnjičenih lica dostavljeni su službeni izvještaji o počinjenim krivičnim djelima sa priložima Kantonalnom tužilaštvu Kantona Sarajevo.

3. Krivična djela protiv slobode i prava čovjeka i građanina

Iz oblasti krivičnih djela protiv slobode i prava čovjeka i građanina u periodu Januar-Decembar 2021. godine prijavljeno je 30 krivičnih djela, što je u odnosu na 2020. godinu više za 16 krivičnih djela.

Struktura krivičnih djela:

- ugrožavanje sigurnosti..... 30
- narušavanje nepovredivosti doma..... 00
- protivpravno lišenje slobode..... 01

Protiv 30 lica zbog postojanja osnova sumnje da su počinili ova krivična djela, nadležnom tužilaštvu dostavljeni su službeni izvještaji.

4. Krivična djela protiv braka, porodice i mladeži

Iz oblasti krivičnih djela protiv braka, porodice i mladeži u periodu Januar-Decembar 2021. godine prijavljeno je 46 krivičnih djela, što je u odnosu na isti period 2020. godine više za 04 krivična djela.

Struktura krivičnih djela:

- nasilje u porodici..... 45,
- zapuštanje ili zlostavljanje djeteta ili maloljetnika..... 00,
- izbjegavanje izdržavanja..... 00,
- oduzimanje djeteta ili maloljetnika..... 01.

Sva krivična djela iz ove oblasti su rasvijetljena i protiv 46 lica dostavljen je izvještaj o počinjenim krivičnim djelima nadležnom tužilaštvu.

5. Krivična djela protiv zdravlja ljudi

Iz oblasti krivičnih djela protiv zdravlja ljudi, tokom perioda Januar-Decembar 2021. godine izvršeno je 50 krivičnih djela, što je u odnosu na 2020. godine manje za 21 krivičnih djela.

Struktura krivičnih djela:

- neovlaštena proizvodnja i stavljanje u promet opojnih droga..... 00,
- posjedovanje i omogućavanje uživanja opojnih droga..... 50,

Sva krivična djela iz predmetne oblasti su u potpunosti rasvijetljena i dokumentovana, te su nadležnom tužilaštvu protiv 50 lica proslijeđeni službeni izvještaji.

6. Krivična djela protiv imovine

Struktura krivičnih djela za period januar-decembar 2021. :

- teška krađa..... 185
- teška krađa u pokušaju..... 02
- krađa..... 80
- krađa u pokušaju..... 01
- razbojništvo..... 63
- razbojništvo u pokušaju..... 04
- razbojnička krađa..... 01
- oštećenje tuđe stvari..... 21
- teška krađa na naročito drzak i opasan način..... 23
- utaja..... 04
- prijevarena..... 05
- paljevina..... 06
- lihvarstvo..... 00.

Najveći broj izvršenih krivičnih djela je iz oblasti imovinskih delikata, a odnosi se na teške krađe gdje je evidentirano 185 slučajeva i krađe gdje je evidentirano 80 slučajeva, u kojima su najčešći objekti napada stanovi, kuće, vikend kuće, trgovinski objekti, motorna vozila (otudjenja motornih vozila), gdje je prijavljeno 19 krivičnih djela teških krađa putničkih motornih vozila. U cilju smanjenja i suzbijanja svih vrsta krivičnih djela planiraju se i sprovode posebne akcije u koordinaciji sa ostalim organizacionim jedinicama Uprave policije.

I dalje je značajno izražen problem, a što je evidentno na području Kantona Sarajevo tako i na području općine Ilidža, predstavljaju krivična djela razbojništava i razbojničkih krađa. U vremenskom periodu Januar-Decembar 2021. godine na području Pete policijske uprave evidentirano je 63 krivičnih djela razbojništva od čega su rasvijetljena 19 krivičnih djela.

8. Krivična djela protiv opće sigurnosti ljudi i imovine

U periodu Januar-Decembar 2021. godine iz ove oblasti prijavljeno je 29 krivičnih djela što je za 04 više u odnosu na 2020. godinu. Sva predmetna krivična djela su procesuirana dostavljanjem službenog izvještaja nadležnom tužilaštvu Kantona Sarajevo.

Struktura krivičnih djela:

- izazivanje opće opasnosti..... 25,
- nesavjesno čuvanje pasa i drugih opasnih životinja 04.

9. Krivična djela protiv javnog reda i pravnog prometa

Iz ove oblasti tokom perioda Januar-Decembar 2021. godine počinjeno je 28 krivičnih djela, što je u odnosu na 2020. godinu više za 16 krivičnih djela.

Struktura krivičnih djela:

- nasilničko ponašanje..... 17,
- napad na OSL 07,
- nedozvoljeno držanje oružja i minsk. ekspl. sredstava..... 03,
- krivotvorenje isprave..... 01,
- ovjeravanje neistinitog sadržaja..... 00.

10. Maloljetnici

Iz ove tematike tokom perioda Januar-Decembar 2021. godine upućena su dva službena izvještaja protiv malodobnih lica kao izvršioca krivičnih djela, dok su tokom 2020. godine proslijeđena 03 izvještaj nadležnom tužilaštvu protiv malodobnih lica.

10. Ostala protupravna i asocijalna ponašanja

A) Aktiviranja minsko-eksplozivnih sredstava

U vremenskom periodu Januar-Decembar 2021. godine registrovan je jedan slučaj aktiviranja minsko-eksplozivnih sredstava na području općine Ilidža.

B) Požari

Na području općine Ilidža za vremenski period Januar-Decembar 2021. godini zabilježeno je 30 požara. U ovim požarima nije bilo smrtno stradalih, dok je nastupila značajna materijalna šteta. Nadležnom tužilaštvu su dostavljena 02 službena izvještaja zbog krivičnog djela Izazivanje opće opasnosti izazivanjem požara i oštećenje tuđe stvari.

C) Samoubojstva

U vremenskom periodu Januar-Decembar 2021. godine na području općine Ilidža zabilježena su 04 samoubistva izvršena predoziranje i samopovređivanjem.

JAVNI RED I MIR

U toku izvještajnog perioda od 01.01. do 31.12.2021.godine, policijski službenici Pete PU – PS Ilidža evidentirali su izvršenje 1533 prekršaja od strane 1566 lica, što je u odnosu na isti period 2020.godine više za 355 slučajeva ili +30 %. Osnovni razlog ukupnog povećanja broja prekršaja leži u činjenici postupanja policijskih službenika po naredbama Federalnih i Kantonalnih Kriznih štabova tokom pandemije „Covid 2019“.

Iz oblasti Zakona o prekršajima protiv JRiM počinjeno je 1463 prekršaja od strane 1496 lica, iz oblasti ZONDINOIM-a počinjeno je 10 prekršaja od strane 107 lica, a po općinskoj Odluci JRiM počinjeno je 60 prekršaja od strane 60 lica.

Analizirajući najčešće uzroke izvršenja prekršaja, stanje se može prikazati na slijedeći način:

- nepoštivanje naredbe nadležnog organa o zabrani kretanja..... 547 (518),
- nepostupanje po naredbi nadležnog organa Covid 19..... 371 (422)
- prosjačenje..... 307 (+260),
- omalovažavanje OSL-a.....59 (+22),
- fizički napad..... 43 (+22),
- naročito drsko ponašanje..... 51 (+7),
- konzumiranje alkohola na javnom mjestu..... 55 (+32),

Kao najčešća mjesta izvršenja prekršaja mogu se navesti:

- prekršaji izvršeni na ulici.....1487,
- prekršaji izvršeni u ugostit. objektima..... 15,
- ostala mjesta..... 31

U izvještajnom periodu na području općine Ilidža održano je 543 javnih skupova različitih oblika i vrsta, što u odnosu na isti period 2020.godine iznosi više za 235 skupova.

SAOBRAĆAJ

Na području općine Ilidža tokom perioda 01.01. do 31.12.2021.godine zabilježeno je smanjene broja saobraćajnih nezgoda u odnosu na isti period 2020.godine za 181 događaja. Analizom nezgoda sa materijalnom štetom evidentno je smanjenje za 169 događaja, dok kada se radi o nezgodama sa povrijeđenim licima takođe je evidentno smanjenje za ukupno 12 događaja.

- ukupan broj saobraćajnih nezgoda..... 988 (-15,00%),
- nezgode sa materijalnom štetom..... 907 (-169),
- nezgode sa nastradalim osobama..... 81 (-12),

Analizirajući strukturu povrijeđenih osoba u saobraćajnim nezgodama, za koje ova uprava ima nadležnost, stanje se može prikazati kao slijedeće:

- lakše povrede pješaka..... 14 (-6),
- lakše povrede putnika..... 10 (-1),
- lakše povrede vozača 53 (-7),
- teže povrede vozača..... 04 (+2).

Najveći broj saobraćajnih nezgoda desio se u okviru naseljenog mjesta prikazano kroz slijedeću strukturu:

- Stup..... 138,
- Džemala Bjedića..... 152,
- M-17..... ..38,
- Hrasnička cesta..... ..35,
- M-18..... ..32,
- Lužani61,
- Ilidža (centralni dio)..108,
- Kasindolska..... ..41,
- Hrasnica..... ..46,
- Sokolovići..... ..29,
- Butmir.....40,
- R 442..... ..40,
- Brza cesta..... ..48,
- Ostalo.....99,

U izvještajnom periodu januar – Decembar ukupno je kontrolisano 30.166 vozila, što je u odnosu na isti period iz 2020.godine više za 12060 vozila. Usljed neregistrovanosti isključeno je 160 vozila (+52), usljed tehničke neispravnosti 43 vozila (+39), dok je iz saobraćaja isključeno 1306 vozača, od toga zbog alkohola 781 (+371), upravljanje prije sticanja prava 424 (+197) i trajanja zaštitne mjere 101 (+55).

Tokom izvještajnog perioda ukupno je izdato 26.223 prekršajnih naloga i 37 zahtjeva za pokretanje prekršajnog postupka, dok je u istom periodu 2020.godine broj prekršajnih naloga iznosio 15.694.

Zbog nepropisnog parkiranja izdato je 22082 prekršajnih naloga, dok je 121 motornih vozila uklonjeno specijalnim vozilom „Pauk“.

Zbog nepoštovanja saobraćajnih propisa, sankcionirano je 124 pješaka.

Ilidža, Januar 2022. godine.